

FAKKEL-FLITSE

Weeklikse nuusflitse vir 'n ingeligte Framesby-familie!



UITGAWE 268 · 27 MEI 2022

Kontakbesonderhede: mediasentrum@framesby.co.za

RYAN BEHAAL TOP 16 BY NASIONALE TONEELSPELKOMPETISIE

Nasionale Toneelspelkompetisie in Kaapstad

6 Leerders het van 19 - 22 Mei onder leiding van Mev. Potgieter en Basson na Kaapstad getoer om by die Artscape teater aan die eindronde van hierdie landswye kompetisie deel te neem. Ons is baie trots daarop dat ons die enigste skool uit die Oos-Kaap was. 28 Hoërskole en dramaskole, meestal uit Gauteng en die Wes-Kaap is verteenwoordig deur die Top 85. Vir die eerste rondte van die finale moes leerders 'n monoloog en improvisasie doen. Al 6 leerders het ons baie trots gemaak, maar ongelukkig kon slegs Ryan O'Ehley na die Top 32 deurdring. Volgende was dit elkeen se prosa en poësie tekste en Ryan het ons baie trots gemaak deur te vorder na die Top 16. Hierdie 16 leerders is verder uitgedun deur radio- en televisie oudisies te doen by RSG en die Suidooster ateljee waarna die Top 8 aangewys is wat Saterdagmiddag hulle konsertprogramme moes opvoer in die groot teater. Ryan het ongelukkig hier uitgeval, maar is gekies om later in die jaar aan 'n verhoogproduksie saam met die drie wennerse deel te neem. Ons is ook saam met Framesby alumni Lindie Strydom (née Van Eeden) trots op haar seun, Paul Strydom, wat die kompetisie gewen het. Die toer was 'n heerlike ervaring en ons het soos toeriste gevoel op Kaapstad se MyCiti publieke vervoerstelsel. Ons het ook die voorreg gehad om Donderdagaand *Blood Knot* by die Baxter teater te gaan kyk en na die tyd met Francois Jacobs te gesels. Framesby drama is besig om te groei en ons sien uit daarna om wat ons hierdie jaar geleer het, volgende jaar te gaan toepas.



MUSIEKDEPARTEMENT HOU KONSERT



Op Vrydag 20 Mei het die Musiekdepartement MUSIEK MOSAÏEK, hul eerste konsert vir 2022, aangebied. Om dié naam gestand te doen, was daar 'n verskeidenheid van style en instrumente om na te luister.

Die orkes, Forte, het die aand afgeskop en die gehoor met 'n paar popmusiek items en 'n keurspel uit Pixar films vermaak. Juf. Roodt het ook haar slag met die viool in een van die orkesstukke getoon. Die soliste het hierna gewys dat by Hoërskool Framesby uitstekende afrigting in uiteenlopende instrumente aangebied word.

FANTASIA, die skoolkoor, het die aand afgesluit. Hulle het die popkantate _Holy Moses_ uitgevoer. Dit is 'n reeks liederes wat die storie van Moses vertel.

Baie geluk aan elke deelnemer met 'n besondere aand. Hierdie is definitief die begin van 'n welluidende crescendo!



VERJAARSDAE DIE WEEK

SATERDAG · 28 MEI

Lara Hough

SONDAG · 29 MEI

Mnr. J. Westeraadt (BL)

Mnr. C. Nell

Lourens van Niekerk

MAANDAG · 30 MEI

Logan Muller

Charldine Klein

Jade Stander

DINSDAG · 31 MEI

Mev. L. Schelbert

Mlla van der Merwe

Celesté Greeff

Jade Rollison

WOENSDAG · 1 JUNIE

Chardené Juta

Zetske Erasmus

Chanté Geldenhuys

Jan Meyntjies

Chenise Wolfe

Casey-Leigh Jagers

DONDERDAG · 2 JUNIE

Mnr. R. Brits

Nathan Hammond

Keegan Olivier

Karla Strydom

Quiné Zeelie

Jordan Kapp

VRYDAG · 3 JUNIE

GEEN



HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE

UIT DIE HOOF SE KANTOOR

Beste Ouers

Ek haal 1 Johannes 3 vers 11 aan: "Dit is immers die boodskap wat julle van die begin af gehoor het: Ons moet mekaar liefhê." Mag dit vir ons almal waar wees.

Ouers, ek wil graag die volgende belangrike punte vir u uitlig:

A) INTERVENSIE

Ons het gedurende kwartaal 2 intervensie in verskeie vakke toegepas. Daar is 'n groot gedeelte van ons leerders wat hieraan aandag gegee het, en ons opgewonde maak oor die toekoms. Ouers, intervensie is 'n proses waarin ek vas glo en die omgee van die skool bevestig. Groot dank aan ons onderwyspersoneel wat geweldig baie van hul vrye tyd hieraan gewy het om hierdie leerders te help. Daar is egter enkele leerders wat hulle nie aan die intervensies onderwerp het nie, wat teleurstellend is. Ouers, u is saam met ons in die proses van opvoeding, en u moet toesien dat wanneer intervensie take uitgaan (tot voordeel van u kind), dit gedoen word.

U as ouerkorps moet besef dat daar geen kitsoplossings is nie, en dat dit 'n proses is om elke leerder te laat slaag. U samewerking in hierdie verband is van uiterste belang. U moet nie die gehoorsame ouer wees nie, maar 'n ouer wat u ouerskapsrol ernstig moet opneem en toesien dat u kind sy kant op akademiese gebied bring. U as ouer is die primêre motiveerder en dit kan nie aan ons opvoeders alleen oorgelaat word nie.

Ouers, ons is alreeds in die beplanningsfase vir 2023 waar daar beslis in graad 8 kleiner taalklasse sal wees om ons leerders beter te help. 'n Ander faset waarna ons ook kyk is na remediëring vir ons Afrikaanse-leerders in die vak Afrikaans in graad 8 en 9.

B) AFWESIGHEID VAN LEERDERS

Die afwesigheid van leerders van die normale skooldag het 'n direkte invloed op hul uitslae. Ouers, gereelde skoolbywoning bly van uiterste belang vir sukses.

C) LEES


U moet toesien dat u leerder gereeld by die ouerhuis lees. Een van ons grootste probleme is dat leerders nie kan lees nie, of lees, maar met swak begrip. Dit is u plig om hierna te kyk, al gaan dit gepaard met streng instel van leestye by u huis. Ouers, hierdie is die oplossing en kan baie help. Ons leerders is hopeloos te veel met tegnologie besig wat hul tot nadeel strek.

Slegs 25% van graad 9 en 33.20% van graad 8 leerders is wetenskaplik op standaard volgens hul leesvermoë. 'n Indringende poging van u om leerders gereeld te laat lees, is van uiterste belang. Die leessentrum is 'n groot hulpmiddel by HS Framesby, maar u sal ook ons hand moet vat.

Die volgende inligting om bogenoemde paragrawe in te kleur:

GRAAD 9 SE HUIDIGE INLIGTING VANAF LEESSENTRUM:


% Leerders bo/op/onder peil / % Learners above/on/below level



| Description | Count | % |
|--------------|------------|--------|
| On Level | 58 | 25.00% |
| 1 Yr Behind | 46 | 19.83% |
| 2 Yr Behind | 50 | 21.55% |
| 3 Yr Behind | 43 | 18.53% |
| 4 Yr Behind | 16 | 6.90% |
| 5 Yr Behind | 17 | 7.33% |
| 6 Yr Behind | 2 | 0.86% |
| Total | 232 | |

GRAAD 8 SE HUIDIGE INLIGTING VANAF LEESSENTRUM:

% Leeders bo/op/onder peil / % Learners above/on/below level



| Description | Count | % |
|--------------|------------|--------|
| On Level | 85 | 33.20% |
| 1 Yr Behind | 74 | 28.91% |
| 2 Yr Behind | 39 | 15.23% |
| 3 Yr Behind | 22 | 8.59% |
| 4 Yr Behind | 22 | 8.59% |
| 5 Yr Behind | 6 | 2.34% |
| 6 Yr Behind | 5 | 1.95% |
| 7 Yr Behind | 3 | 1.17% |
| Total | 256 | |

D) VOORBEREIDING

Leeders moet seker maak dat hulle deeglik voorbereid is vir hierdie eksamen. Volg die werksafbakening soos verskaf in Nuusbrief 12/2022 en soos deur jou vakonderwyser deurgegee. Baie dankie ook aan u as ouer(s)/voog(de) vir die hulp en ondersteuning wat u tuis bied.

E) REËLINGS RAKENDE MEI/JUNIE EKSAMEN – GRAAD 8/9

Graad 8- en 9-leeders skryf in die lokale waar hulle huidiglik klas het. Leeders moet 07:30 buite hul klaskamer aanmeld. Die skryfessie begin om 08:00 en hulle skryf die volle tydsduur van die vraestel. Daar is geen studietyd by die skool nie.

Leeders moet die skoolterrein deur hek B binnekom en verlaat. Leeders wat nie buitemuurs het nie moet asseblief die terrein so gou moontlik verlaat. Die senior leeders skryf lang vraestelle en ons wil graag die eksamen vir hulle ook so stil as moontlik hou.

Herinner ook u kind om al die nodige skryfbehoeftes vir die eksamen saam te bring – hulle mag ongelukkig niks leen nie.

F)AFWESIGHEID VAN MEI/JUNIE EKSAMEN

Ouers, daar kan géén uitsonderings vir enige leerder rakende die eksamen gemaak word nie. Leeders skryf op die dae en datums soos op die eksamenrooster aangedui. Ons kan nie die integriteit van die eksamen in gedrang bring nie.

Ek bring dit net weer onder u aandag: indien 'n leerder tydens die skryf van die eksamen afwesig is, moet 'n mediese sertifikaat/kliniekbrief ingedien word. Indien dit nie gebeur nie, ontvang 'n leerder 0 vir die betrokke vak.

Afsprake vir leerling- en/of lisensie kan nie in die eksamen plaasvind nie.

G) COVID-19

Indien 'n leerder Covid-positief of in isolasie is, moet dit dadelik onder die aandag van ons graadhoofde gebring word. U kan die graadhoofde by die volgende e-posadres in kennis stel:

Gr. 8: hstrauss.framesby@gmail.com

Gr. 9: erwinstrauss@outlook.com

Gr. 10: fvdwalt@framesby.co.za

Gr. 11: jeanette.schoeman@yahoo.com

Gr. 12: lschelbert@framesby.co.za

H) BUITEMUURS TYDENS MEI/JUNIE EKSAMEN

Die buitemuurse bedrywighede van die skool gaan normaalweg voort ter voorbereiding van verdere deelname. Let op dat afrigtingstye deur afrigters aangepas sal word as gevolg van eksamens. Leeders sal deur die betrokke afrigters in kennis gestel word.

Indien daar vir 'n leerder gedurende die eksamen 'n detensie uitgereik word, sal dit in die laaste week van die kwartaal in werking tree.

I) FAKKELFLITS

Ek moedig u aan om die Fakkelflits deeglik te bestudeer. Hier hou ons u op hoogte van alle gebeure en prestasies. Dit is op Framesby se Facebook-blad beskikbaar.

J) VRYDAG 20 JUNIE 2022

Die normale akademiese program neem weer 'n aanvang op bogenoemde datum met dag 4.

K) VISUELE KUNSTE

Die graad 10-leerders wat Visuele Kuns neem, moet 'n 6 uur lange verpligte praktiese assessering tydens die Junie-eksamen voltooi.

Die praktiese assessering sal as volg plaasvind:

Vrydag 10 Junie 12:00 tot 14:00
Maandag 13 Junie 08:00 tot 12:00

L) MEI/JUNIE EKSAMEN

Aangeheg die eksamenrooster vir die laaste drie weke.

M) NEEM VAN INDIVIDUELE FOTO'S

| DATUM | DAG | GROEP | TYD |
|-------|----------|----------|---------------|
| 06/06 | Maandag | Graad 8 | 09:30 - 11:00 |
| | Maandag | Graad 12 | 12:30 - 14:00 |
| 08/06 | Woensdag | Graad 9 | 09:30 - 11:00 |
| 10/06 | Vrydag | Graad 11 | 11:30 - 13:00 |
| 15/06 | Woensdag | Graad 10 | 11:00 - 12:30 |

- o Individuele foto's van leerders sal op bogenoemde datums na aflegging van die eksamen geneem word.
- o Leerders moet in volle wintersdrag geklee (baadjie en das) wees.
- o Leerders moet netjies wees (geen grimering/geskeer/hare korrek/geen oorbelle – volgens skoolreëls).
- o Foto's word deur 'n professionele fotograaf geneem in die Kosblik.
- o Bestellings sal vanjaar deur Die Hanger hanteer word. Besonderhede volg later.

Ouers, ek sluit af deur u te bedank vir u ondersteuning en om u aan te moedig om u leerder/s te ondersteun in hul strewe om suksesvolle en gelukkige leerders van HS Framesby te wees. Soos ek dikwels vir u sê: die toekoms is blou en goud. Kom ons werk almal daaraan om dit so te hou.



FRAMESBY VCSV

Framesby se VSCV kom Vrydae tydens eerste pouse bymekaar. Dit is baie gewild onder die kinders en dien beslis as die hoogtepunt van hul week. Daar is ongeveer 300 kinders wat by die VSCV betrokke is. Die eerste projek wat die kringleiers die jaar aangepak het, was Hannas Arms. Hannas Arms is 'n organisasie wat verlate, verwaarloosde en mishandelde babas en kleuters, ouderdomme 0-3 jaar, red. Die kringleiers het goed gedink om babaklere en -kos in te samel vir Hannas Arms. Dit was 'n reusesukses en ongeveer 17 swartsakke vol items is aan dié organisasie geskenk. Tydens die eerste kwartaal het ongeveer 400 kinders die Worship aand bygewoon en dit terdeë geniet. Almal het lekker saam gekuier, gesing en oor die Here gesels. Tydens die derde kwartaal vind 'n VSCV-kamp in Jeffreysbaai plaas. Die kamp is altyd 'n hoogtepunt vir leerders. Daar is heelwat sprekers wat dan met die leerders gesels en daar vind ook spanbou aktiwiteite plaas tydens die naweek.



FRAMESBY LEWER PUIK UITSLAE TEEN KINGSWOOD

Netbal:

0/14 A wen Kingswood 19-5

0/14 B wen Kingswood 19-5

0/14C wen Kingswood 19-2

0/14D wen Kingswood 9-2

0/15A wen Kingswood 34-7

0/15B wen Kingswood 16-8

0/15C wen Kingswood 22-2

0/16 A wen 33 - 4

0/16 B wen 29 - 3

0/16 C wen 24 - 1

0/17 A wen 20-6

0/19 A wen Kingswood 30-15

0/19 C wen Kingswood (19C) 9-7

0/19 C wen Kingswood (19D) 18-1

Hokkie:

0/14a dogters 0 - 3 verloor

0/16a dogters 0 - 5 verloor

0/16b dogters - verloor

2de dogters 0 - 4 verloor

1ste dogters 1 - 0 wen

1ste seuns 0 - 12 verloor

0/16b dogters - verloor

2de seuns 0 - 5 verloor

1ste seuns 0 - 12 verloor

Rugby:

14 A wen 81-0 (slegs 30min gespeel)

15 A wen 47-0

15 B wen 55-5 (slegs 40min gespeel)

16 A wen 32-5

3de wen 69-7

2de wen 24-5

1ste wen 15-3





UITSLAE

Netbal

“Challenge” vs Pearson:

| | |
|----------------|---------|
| o/14 A gelykop | 16 – 16 |
| o/15 A wen | 30 – 20 |
| o/16 A wen | 21 – 16 |
| o/19 A verloor | 20 – 19 |

Rugby

Rugby vs Marlow @ Marlow:

| | |
|----------------|---------|
| 0/14A verloor | 13-12 |
| 0/14B verloor | 13-0 |
| 0/14C verloor | 21-5 |
| 0/15 A verloor | 15-7 |
| 0/15 B wen | 20-5 |
| 0/16 A verloor | 14 - 12 |
| 1ste verloor | 22-3 |
| 2de wen | 14-13 |
| 3de verloor | 19-7 |
| 4de verloor | 54-5 |
| 5de verloor | 37-0 |

vs Andrew Rabie A – spanne

| | |
|----------------|---------|
| 0/14 C gelykop | 19 – 19 |
| 0/15 C wen | 33 – 7 |
| 0/16 B wen | 22 – 10 |
| 4de wen | 39 – 24 |

Hokkie

Dogtershokkie vs Riebeeck College:

| | |
|------------|-----|
| 0/14 A wen | 6-0 |
| 0/16 A wen | 1-0 |
| 1ste wen | 3-1 |

Tennis

| | |
|---|----------------------|
| 3de dogters wen teen Westview | 3-1 |
| 5de seuns wen teen Westview | 3-1 |
| 1ste meisies speel gelyk-op teen Collegiate | |
| 2de meisies verloor | 3-1 teen Collegiate |
| 3de meisies verloor | 3-1 teen Collegiate. |



Skaak

Verloor 0 – 7 teen Pearson

2 van ons spelers het deelgeneem aan die 2de rondte van skaakproewe. Hulle het baie goed gevaar. Beide van hulle wen 4 uit die 6 wedstryde. Ruan Grigor (Gr 8) eindig 6de en Ruben Bouwer (Gr 8) eindig 8ste. Baie geluk aan hierdie twee spelers.

Framesby verloor 5-2 teen Collegiate. Ricardo Santos en Christo Visagie wen hulle wedstryd.

Muurbal:

Verloor teen Muir / ETC en Westering

2de verloor teen Pearson 2 – 15

4de wen Woodridge 9 – 6

LANDLOPE ATLETE VAAR GOED

LANDLOOP BY ST ALBANS

Ons derde landloopliga het by St Albans plaasgevind. Die kompetisie was baie sterk, aangesien al die skole in die Oos-Kaap aan die Saterdagligas deelneem.

Die volgende atlete het onder die eerste 6 plekke in hul ouderdomsgroepe geëindig:

- Marco Sprong (seuns 0/17)- 6de
- Dallian Oerson (seuns 0/15) -1ste
- Annabel Jonck (dogters 0/19)- 2de
- Elanca van Jaarsveld (dogters 0/17)- 2de
- Zanri Black (dogters 0/17)- 3de
- Esmeri Oberhauzer (dogters 0/15) – 3de
- Ilke Wolmarans (dogters 0/15)- 5de
- Meke de Vries (dogters 0/15)- 6de
- Jamie-Lee Bester (dogters 0/14)- 4de
- Annree van Zyl (dogters 0/14)- 6de

Baie geluk aan die atlete.



HOKKIE-PROEWE: MILLA EN ROBYN

Baie geluk aan Milla Otto wat in die 0/18B-OP hokkiespan opgeneem is. Ons wil ook vir Robyn Knipe baie gelukwens. Sy is in die 0/14 Oos-Kaap hokkiespan opgeneem. Framesby is baie trots op julle!



50 WEDSTRYDE VIR DIE EERSTE HOKKIESPAN

Baie geluk aan Tristin Kearns wat al 50 wedstryde vir die eerste hokkiespan gespeel het. Knap gedaan!

BUITESPORT - TALENT AFRICA REGIONALS EN NATIONALS 2022

Anri de Beer (graad 9A) en Katie Horne het op Saterdag, 7 Mei 2022, aan Talent Africa Regionals deelgeneem in die dansafdeling. Hulle albei is deel van die Dance Dynamics groep "What about us", in die lyrical / contemporary / modern - kategorie.

Hulle groep het goud verwerf en deurgedring na die Talent Africa Nationals, wat later vanjaar in Gauteng plaasvind. Hulle sal deel uitmaak van die OP span vir Performing Arts.



EP DUATHLON CHAMPIONSHIPS

Juanre Oelofse en Tiaan Peens het die naweek aan die kompetisie deelgeneem. Juanre het 'n eerste plek behaal in die Seuns 17-19 kategorie en Tiaan 'n vierde plek. Ons is baie trots op julle




BERGFIETS UITSLAE:

Vyf seuns het die naweek aan 'n baie modderige VCS First Choice Classic 25 km deelgeneem. Hulle het baie goed gevaar. Die uitslae is as volg: Tian Diedericks (13e), Stephan Roth (14e), Dewald Beneder (24e), Marko Delpont (29e) en Wion Venter (39e).



ZANRI STAP WEG MET 3 GROOT TITELS

Tydens die ACT Elite Training Academy Prysuitdeling het Zanri Black met drie groot titels weggestap. Sy ontvang die volgende trofees: Youth Female Athlete of the Year, Youth Athlete of the year en Sportswoman of the year! Ons is baie trots op Zanri! Harde werk en deursettingsvermoë word beloep!



VRIEND VAN DIE FRAMESBY MEDIASENTRUM

Enige leerder wat die belange van die Mediasentrum op die hart dra, op 'n gereelde basis die Mediasentrum besoek én van enige dienste gebruik maak (bv. navorsing, uitleen van enige items, lees van enige bronne, groepwerk, huiswerk, rekenaarwerk, fotokopiëring, drukwerk, bordspele) ook in klasverband, is welkom om by die ondersteunersgroep Vriende van die Hoërskool Framesby-Mediasentrum aan te sluit.


Daar sal 'n aansluitingsfooie van R30 wees. Lidmaatskap kan daarna jaarliks teen R10 per jaar hernu word. Enige lid wat 'n detensie kry vir enige oortreding by die Mediasentrum, se lidmaatskap sal onmiddellik beëindig word en die baltie teruggetrek word. Alle reëls van die Mediasentrum sal van toepassing op lede wees.

Voordele vir lede:

1. Elke lid sal 'n boekmerk en 'n baltie kry.
2. Slegs lede sal invir pryse vir die Flinkste lesers ag geneem word.
3. Lede sal 5 boeke op 'n slag mag uitneem, plus 3 DVD's.
4. Almal mag gedurende vakansies ekstra boeke (nie DVD's nie) uitneem. Die aantal boeke sal bepaal word deur verskillende leeskateregore wat deur die Mediasentrumbestuurder opgestel sal word. Alle lede met 'n skoon rekord en wat nie 'n detensie gekry het of nog nooit op die swartlys was nie, sal toegelaat word om ook boeke gedurende die Desembervakansie uit te neem.
5. Lede sal kennisgewings op Whatsapp oor nuwe boeke en DVD's, of enige items wat hulle bestel of aanbeveel het ontvang.

*Leerders moet eers 30 items uitneem om te kwalifiseer.





DIE KOSBLIK

MIDDAGETES TEEN R25



Beskikbaar tweede pouse en na skool slegs op bestelling

Week 3

MAANDAG

Napolitana Hoender Fillet, bedien met Couscous en Geroosterde groente

DINSDAG

Bees Roerbraai, bedien met Noodles

WOENSDAG

Romerige Spek Pasta, bedien met Geroosterde Botterskorsie

DONDERDAG

Bees en Kekerertjie Kerrie, Bedien met Rys en Sambals

VRYPDAG

Gekrummelde Hoender Repies, bedien met Aartappel wiggies en Beetslaai

DIE KOSBLIK SAL SATERDAG VANAF 07:00 - 14:00 OOP WEES.

VIR BESTELLINGS:

DUANNE: 078 972 2175

E-POS: WSPE.FRAMESBYHS@EMPACTGROUP.CO.ZA





Chanelle

chanelle@diehanger.co.za
082 342 8113



Scrunchies

TEEN R20



MAANDAE TOT DONDERDAG 12:00 - 17:00
VRYDAG 08:00-11:00



Ondersteun Hoërskool Framesby deur Samba

Sluit vandag aan by Samba en deel in die voordele.

Sms nou "FRAMESBY" na 30907

Samba sal u kontak vir lidmaatskap.



www.sambakoop.com

Samba Koöperatief Beperk is 'n gemagtigde FDV (Nr. 18212) en 'n geregistreerde KDV (NCRCP 1270). Termes en voorwaardes geld

Wat is die VOORDELE om by SAMBA aan te sluit as lid?

- 'n Kontant-terug-bonus op aankope word jaarliks gedurende November aan lede uit betaal
- Sambalede kry tot 50 dae rentevrye krediet vir aankope
- Geen maandelikse fooie of transaksiekoste nie
- Tot 10% kontant-terug-bonus op aankope (brandstof uitgesluit)
- Samba fasiliteer korttermynversekeringpremies deur Santam, Hollard en Bryte
- Die maandelikse premie kwalifiseer vir 'n maandelikse bonus
- Mediese gapingdekking deur Optinvest en Stratum
- Bekostigbare gesins begrafnisbystandfonds
- Na 6 maande lidmaatskap kan lede aansoek doen vir motorfinansiering en ander batefinansiering teen 'n gekoppelde rentekoers of vaste rentekoers van 12%* per jaar
- Persoonlike lenings teen 'n gekoppelde rentekoers of vaste rentekoers van 9.5%* per jaar kan voor aansoek gedoen word na een jaar van lidmaatskap
- 'n Bedrag van Samba se diverse wins in vergelyking met hul jaarlikse aankope word ook aan lede toegeken
- Dit alles en nog meer is beskikbaar teen 'n minimale kaartfooi van R294* per kaart per jaar

Hoe werk die rentevrye krediet vir aankope?

Die Sambarekening sluit alle aankope in vanaf die 16de van 'n maand tot en met die 15de van die volgende maand. Lede sal hul Sambarekening ontvang voor die laaste week van elke maand.

Die uitstaande bedrag moet betaal word voor of op die 5de van die daaropvolgende maand om te kwalifiseer vir u bonus. Bv. Die Samba aankope maand loop vanaf 16 Januarie – 15 Februarie met die volle bedrag betaalbaar teen 5 Maart.

Hoe doen ek aansoek vir lidmaatskap?

Voltooi 'n aansoekvorm en stuur die voltooide aansoekvorm terug na Samba tesame met u nuutste maand se bankstaat en salarisstrokie OF slegs u nuutste maand se salarisstrokie, afskrif van u ID en 'n bewys van adres na aansoek@sambakoop.com.

Aansoekvorms is beskikbaar op ons webblad by www.sambakoop.com of stuur vir ons 'n e-pos na aansoek@sambakoop.com. of skakel u naaste Samba-kantoor by Bloemfontein: 051 448 0111, Kimberley: 053 831 1976/7 en Port Elizabeth: 041 363 2727.

FRAMESBY OUDSKOLIERE



ONS GESELS MET: HENNIE MEIRING



Hennie Meiring


Dit is Januarie 2001 en ek neem my eerste tree as 'n Graad 8 leerling by Hoërskool Framesby. Ek is nou in "grootkool" - opgewonde, ywerig, vasberade. Dag een... Juffrou Jordaan maak haar eerste verskyning op die verhoog en laat ons goed verstaan "Graad 8s, julle is maar net guppies". My moed sak tot in my skoene. Hoe gaan ek die volgende 5 jaar maak? Vir die volgende week skree ek vir die rugbypale tot hulle omval, ek vra 'n boom op 'n "date" tot dit vir my ja sê en tackle eerstespan rugbyspelers met geen sukses. Wat 'n vreugde!

Tyd wag vir niemand nie en voor ek my oë uitvee, is ek in matriek. Tsunami army, "stamp daai boude lam", interhuis atletiek, Kringe in 'n bos, Mr. & Mej. Framesby en 40 days is wonderlike herinneringe, maar die grootste hoogtepunt was om in die bloktrui uit te draf op 'n Saterdag, met 'n vol pawiljoen en te hoor hoe ons medeleerlinge die Framesby skoolied sing uit volleborse – trots.

My gunsteling klas was Afrikaans by juf. Jordaan, glo dit of nie! Lewenslesse en wysheid word gedeel wat jou altyd sal bybly. Ek sal nooit mnr. Lombard se rugby "pep talks" op 'n vrydag na Skeinat-klas vergeet nie. Maar dit was juf. Lombard en wyle juf. Olivier wat die liefde vir Wiskunde by my gekweek het. Na skool studeer ek B.Com Ekonomie en Statistieke (NMU) en verhuis na Kaapstad in 2010 waar ek my Honneurs in Finansiële Ekonomie (UCT) voltooi.

Ek betree die grootmenslewe en begin my loopbaan in die wêreld van finansiële dienste. Oor die laaste 11 jaar het ek die voorreg gehad om vir 'n paar "start-ups" te werk waar ek gereeld Oos-Afrika toe gereis het met 'n visie en passie vir finansiële-insluiting van onderontwikkelde lande. In 2012 belof ek en my vrou, Cora, ons ewige liefde aan mekaar en komende Desember is dit al 10 jaar! Ons is geseënd met 3 wonderlike kinders, elkeen met hulle eie stukkie menswees. Dit is ongelooflik om hulle te sien groot word, maar asb. nie te vinnig nie! In 2018 neem ek en my vrou die groot besluit om alles in Suid-Afrika op te pak en te verhuis na Mauritius waar ons onself vandag vind en ek as hoof van kredietrisiko vir 'n "fintech" maatskappy werk. Mauritius behandel ons goed en, behalwe vir die jaarlikse siklone, is lewe meeste dae rustige. Ons spandeer baie naweke op die strand of gholfbaan en af-en-toe geniet ons tyd by 'n vakansieoord of doen 'n "sunset cruise" saam met ons eilandfamilie. Soveel soos ons dit geniet, is die verlange na ons tuisland en families groot.

Mens besef dit eers later in die lewe, maar hoërskool was die grondslag vir die wêreld daar buite. Ek is oneindig dankbaar vir Framesby vir die waardes en lesse wat ek onwetend geleer het. Juf Jordaan was reg, ons was maar net guppies – die vraag was hoe vêr wil jy swem?



OUDSKOLIERE SAMEKOMS:

Oudskolierse samekoms in Pretoria, 10 September 2022.
Verdere inligting volg binnekort!

×

11 JUNIE 2022
18:30 VIR 19:00

**BESPREEK JOU PLEK
VOOR 1 JUNIE 2022**

HOËRSKOOL FRAMESBY

OUDSKOLIERE *samekoms* IN KAAPSTAD!

KOM KUIER SAAM MET DIE SKOOLHOOF EN BEMARKERS
BY HOËRSKOOL D.F. MALAN IN DIE TREINSAAL.

×

R150 PER PERSOON
SLUIT IN KOS EN DRANK

VIR ENIGE NAVRAE EN BESPREKINGS:
MEDIASENTRUM@FRAMESBY.CO.ZA

Framesby se toekomst is blou en goud!



OUDSKOLIERE BERIGTE:

Indien jy iemand vir die Oudskolier-berig wil nomineer, kontak ons gerus : mediasentrum@framesby.co.za.

Ons wil graag berigte plaas van al ons oudskolier, maar benodig hul selfoonnommer/e-pos om kontak te maak.

Dis altyd lekker om te hoor waar ons oudskolier hulself vandag bevind sowel as om terug te kyk na almal se Framesby herinneringe.



FRAMESBY

OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na fos@framesby.co.za sal e-pos:

- NAAM EN VAN :
- NOOIENSVAN:
- ID-NOMMER:
- JAARTAL GEMATRIKULEER:
- ADRES:
- PROVINSIE:
- BEROEP:
- TELEFOON:
- SELFOONNOMMER:
- E-POSADRES:

U inligting bly hoogs vertroulik.

Die rede hoekom ons u ID-nommer benodig, is om te verhoed dat ons duplikate op ons sisteem stoor.



OptiLife

medical health & wellness

***Your family GP,
conveniently located in your favourite
local shopping centre!***



NON-EMERGENCY – BY APPOINTMENT ONLY

CONSULTING TIMES:

MON — FRI : 08:00 - 18:00

SATURDAY : 08:00 - 13:00

Where possible, please book your appointment online at:

www.optilife.co.za

[Book Online >](#)

